



COMUNE DE PÀDRIA

DELIBERATZIONE DE SA GIUNTA COMUNALE N. 66 DE SU 16/12/2020

OGETU: ASSISTÈNTZIA LEGALE IN GIUDÌTZIU CUNSIGHENTE A S'INTZIDENTE N.1-8101-2017-0070948 DE SU 23/10/2016. DIRETIVAS A SU RESPONSÀBILE DE SU SERVÌTZIU TÈCNICU.

S'annu duamìgia binti su sèighi de su mese de Nadale a sas oras 15.45, in s' UFÌTZIU DE SU SÌNDIGU, fatu chi siat esaurimentu de sas formalidades prescritas dae sa Lege de s'Istadu e dae s'Istatutu, s'est riunida sa Giunta Comunale suta sa presidèntzia de su SÌNDIGU DOT. MURA ALESSANDRO.

A s'apellu nominale resurat:

CÀRRIGA	SAMBENADU E NÙMENE	PRESENTE
SÌNDIGU	DOT. MURA ALESSANDRO	EMMO
ASSESSORE	MARICA MATTEO SALVATORE	EMMO
ASSESSORE	DETTORI GIUSEPPA ANGELA	EMMO

Presentes n° 3 Ausentes n° 0

Partètzipat su SEGRETÀRIU COMUNALE DOT. PULEDDA ANTONINO, su cale providit a sa redatzione de su verbale presente.

Essende legale su nùmeru de sos interbènnidos, su SÌNDIGU DOT. MURA ALESSANDRO, in sa calidade sua de Presidente, leat sa presidèntzia e declarat aberta sa setziada pro sa tratatzione de s'ogetu subra marcadu.

SA GIUNTA COMUNALE

PREMITIDU chi in data 10/01/2017, est perbènnida a su protocollu de custu Comune, cun su n. 71, una difida pro su pagamentu de sos dannos a pustis de eventum infortunisticu avènnidu in data 23/10/2016;

AMMENTADU chi, in data 25/01/2017, cun prot. n. 254, su Comune de Pàdria at comunicadu a sa cumpagnia assicurativa UNIPOL-SAI, pro su mèdiu de s'Agenzia Lira Assicurazioni Snc de Othieri, cun sa cale fiat istada istipulada sa pòlitza pro Responsabilidade Tzivile arriscos diversos n. 132016073, sa denùntzia pro s'apertura de s'intzidente in paràula, alleghende sa documentatzione netzessària pro sa valutatzione de su casu;

RILEVADU chi sa UNIPOL-SAI:

- in data 09/02/2017, at cunfirmadu s'apertura de s'intzidente n. 1-8101-2017-0070948 de su 23/10/2016;
- in data 14/02/2017 at comunicadu de "*non pòdere protzèdere a perunu pagamentu de sos dannos a tèrmines de sas Cunditiones de assicuratzione non reconnoschende sa responsabilidade de s'ente*" in s'intzidente in ogetu;

RAPRESENTADU chi, a pustis de refudu de pagamentu de sos dannos dae parte de sa UNIPOL-SAI, sos familiares de su dannizadu, pro su mèdiu de su legale issoro Avv. E.M.:

- ant trasmittidu, in data 22.09.2020, cun nota prot. n. 3623, s'invitu a s'istipula de una cunventzione de negoziatzione assistida *prima* art. 2 e ss. de su D.L. n. 132/2014, mudadu cun lege n. 62/2014, in òrdine a s'intzidente in paràula;

- ant notificadu, in data 23.09.2020, pro mèdiu de nota prot. n. 3645, in cunforma a sa L. n. 53 de su 1994, s'Atu de tzita a su Tribunale de Tàtari de custu Ente, cale cumbènnidu in giuditziu, semper in mèritu a s'intzidente tzitadu;

EVIDENZIADU chi:

- sos Ufìtzios Comunales ant provididu deretu a sa trasmissione, a sa UNIPOL-SAI Assicurazioni, siat de s'invitu a sa negoziatzione assistida chi de s'atu de tzita subra tzitados, sollitizende, cun notas diversas, sa gestione de sos pretos de dannu, in cunforma a s'art. 17 de su capitoladu de apaltu in èssere pro sa cobertura assicurativa connessa (CIG ZE81D224A2);
- ebbia in data 09.12.2020, sa cumpagnia assiguratritze at comunicadu pro bia telefònica de àere seberadu de non si costituire in giuditziu, cunsiderende s'apartadura assoluta de su Comune de Pàdria dae sa responsabilidade de s'intzidente;

LEADU ATU chi sunt decursos sos tèrmines pro istipula de una cunventzione de negoziatzione assistida *prima* art. 2 e ss. de su prefatu D.L. n. 132/2014;

APURADA pro cussu, s'esigèntzia de custu Comune de si costituire in giuditziu in su Tribunale Tzivile de Tàtari a manera cunsighente a sa tzita dae parte de sos dannizados pro su reconnoschimentu de sa responsabilidade de s'Ente e de su pagamentu de sos dannos capitados segundu cantu cunfirmadu;

CUNSIDERADU chi:

- s'udièntzia, a sa cale s'Ente intestadu est cramadu a cumpàrrere a dae in antis de su giùighe designadu in su Tribunale de Tàtari, est istada fissada pro sa die 18.01.2021;
- su tèrmine pro sa costituzione in su giuditziu de su cale est casu est istabilidu in a su nesi 20 dies in antis de s'udièntzia subra indicada e, pro cussu, intro de su 29.12.2020;
- bisòngiat de protzèdere cun urgèntzia manna, cunsiderados sos tempos istrintos, a sa nòmina de un'avocadu pro assicurare a su Comune de Pàdria sa difesa tècnica in giuditziu;

RECONNÒSCHIDA, pro cussu, sa delicadesa de sa situatzione rapresentada e valutada s'esigèntzia de assicurare a su Comune de Pàdria un'assistèntzia professionale adeguada e sa difesa in su giuditziu in paràula dae parte de unu legale a s'occasione abilitadu; custu puru in relatzione a s'esigèntzia crara de interessare in su contraditòriu cun sos atores, sa Cumpagnia de Assiguratziones subra mentovada;

APRETZIADU de cumbènnere subra de s'oportunidade de interessare, pro s'esigèntzia in ogetu, s'av. Liliana Pintus, titolare de s'istùdiu legale Pintus&Partners de su Foro de Tàtari, de cumpetèntzia professionale iscumproada, sa cale at sa fidùtzia de costa Amministratzione Comunale;

ATESU chi s'istùdiu legale Pintus&Partners at presentadu a su protocollu de custu ente in data 11.12.2020, su preventivu pro s'assistèntzia legale in giuditziu, cunsighente a s'intzidente inoghe implicadu, pro sa summa de **€4.998,95** cumprensiva de òneres previdenziales e I.V.A.;

RIFERIDU chi in data 11.12.2020 est istadu fatu un'aboju a sa presèntzia de su Sindigu, de su Vitze Sindigu e de su Responsàbile de sos servìtzios tècnicos, in su cale pro telèfonu (cunsiderada s'emergèntzia epidemiològica in èssere) s'istùdiu Pintus&Partners, at incaridu una difesa possibile de s'Ente in giuditziu pagu prus o mancu sos argumentos tzitados subra;

ACHISIDOS, subra de sa proposta de deliberatzione, in cunforma a s'art. 49, comma 1 de su D. Lgs. 267/2000 e mm.ii. e ii., sos parres favorèvoles in òrdine a sa regularidade tècnica e contàbile esprimidos, a manera rispetiva, dae sos Responsàbiles de s'Àrea Tècnica e Finanziària;

RECONNÒSCHIDA sa cumpetèntzia pròpia in cunforma a sas dispositziones normative, istatutàrias e regolamentares in vigèntzia;

INTESA sa relata incaritiva a incuru de su Sindigu e de s'Assessore Marica, agiudados dae su Segretàriu comunale;

RIFERIDU chi subra de sa proposta de deliberatzione est istadu proadu, cun èsitu favorèvole, su controllu in su matessi tempus de regularidade amministrativa a incuru de su Segretàriu comunale, a s'èsitu de su coordinamentu testuale cuncordadu cun sos Responsàbiles de sos Servìtzios interessados;

RECONNÒSCHIDA s'oportunidade, in sintonia cun sa proposta tècnica avantzada dae sos ufìtzios, de protzèdere cun urgèntzia a s'aprovazione de sa deliberatzione presente pro sas finalidades in ogetu;

ACLARADU chi sa setziada presente de sa Giunta Comunale s'est acumprida in modalidade telemàtica a manera parziale, in cunforma a s'art. 73 de su DL 18/2020 e mm.ii.ii. e puru a su decretu de su sindigu n. 2 del 23.03.2020;

DADU ATU chi totu sos partetzipantes a sa setziada:

- ant àpidu visione e disponibilitade preventiva de sa proposta de deliberatzione chi pertocat s'ogetu;
- ant àpidu s'oportunidade de partetzipare a sos traballos de sa die de oe de sa Giunta Comunale in presèntzia (MURA - DETTORI) o in modalidade telemàtica (MARICA) siat in relatzione a sa discussione chi in òrdine a sa votazione, cun su controllu costante de su Segretàriu comunale;

cun votos favorèvoles in su matessi tempus de acordu, esprimidos a manera legale, in cunforma a cantu subra indicadu

DE L Ì B E R A T

DE APROVARE sas premissas narrative e motivatzionales a su dispositivu presente apretziende las inoghe trascritte a manera integrale;

DE SI COSTITUIRE in giuditziu in mèritu a s'atu de tzita perbènnidu in data 23.09.2020, cun

nota prot. n. 3645, prevedende a manera espessa, giai dae sa cumpàrfida de costituzione, atzione de revesa subra de sa cumpagnia assicurativa UNIPOL-SAI pro s'assistèntzia legale mancada in su giudìtziu de su cale si tratat in prus de ogni àtera misura protzessuale oportuna, de si valutare dae su legale de custu Ente, pro s'interessamentu in su contraditòriu cun sos atores de sa cumpagnia matessi;

DE INCARRIGARE, pro s'efetu, su Responsàbile de s'Àrea tècnica de s'adotzione de totu sos atos imbenientes e cunsighentes netzessàrios a su deliberadu presente pro sa formalizatzione de incàrrigu apòsitu a s'istùdiu legale Pintus&Parteners, pro giudìtziu inoghe implicadu, subra de sa base de sos critèrios e indicos sighentes:

- 1) iscumproada esperièntzia professionale in matèria;
- 2) connoschèntzia de sa matèria relativa a su cuntentziosu in s'interessu de sa tutela de s'Ente;
- 3) tinu e proportzionalidade in sas rechestas econòmicas;
- 4) interessamentu in su contraditòriu cun sos atores de sa cumpagnia assicurativa tzitada in su preàmbulu pro mèdiu de ogni casu particolare protzessuale oportunu idòneu a garantire sa tutela integrale de custu Ente;

DE DARE ATU chi s'ispesa chi derivat dae su provedimentu presente agatat cobertura in su Cap. 2300.2, de su bilàntziu de previsionone 2020/2022, cumpetèntzia 2020, missione 01, programma 11, pianu de sos contos 1.03.02.99.000;

DE DECLARARE in fines sa deliberatzione presente, a pustis de separada, in su matessi tempus e a sa matessi manera votatzione de acordu - (MURA e DETTORI in presèntzia); (MARICA in modalidade telemàtica) – esecutàbile a manera immediata in cunforma e pro sos efetos de s'art. 134, comma 4, D. Lgs. n. 267/2000 e mm.ii.ii., pro s'urgèntzia de assicurare su perfetzionamentu de sas finalidades suas.

PARRE DE REGULARIDADE TÈCNICA

In cunforma a s'art. 49 c.1 de su T.U.E.L. su Dirigente/P.O. **PINNA ANDREA** in data **15/12/2020** at esprimidu parre **FAVORÈVOLE**

PARRE DE REGULARIDADE CONTÀBILE

In cunforma a s'art. 49 c.1 de su T.U.E.L. su Dirigente/P.O. **ARCA MARIANGELA** in data **15/12/2020** at esprimidu parre **FAVORÈVOLE**

Su SÌNDIGU
DOT. MURA ALESSANDRO

Su SEGRETÀRIU COMUNALE
DOT. PULEDDA ANTONINO

NOTA DE PUBLICATZIONE N. 1020

In cunforma a s'art. 124 de su T.Ù. 267/2000 su Responsàbile de sa Publicatzione **SEGRETÀRIU COMUNALE DOT. PULEDDA ANTONINO** atestat chi in data 17/12/2020 s'est protzèdidu a sa publicatzione in s'Albu Pretòriu.

Sa Delìbera est esecutiva in cunforma a sas dispositziones de lege in vigèntzia

Traduzione de s'operadora de s'isportellu linguìsticu de Pàdria
Maria Leonarda Correddu

